



新編 汪瀆書地理考彙釋

ル 5  
133  
7







呂  
133  
7

新翻注地里志卷第十三

嘉定錢坫著

大興徐松集釋

北地郡秦置莽曰威戎

本作威成依水經注改

錢氏大昕曰北地當屬朔方部史失書松按王校同

戶六萬四千四百六十一口二十一萬六千八百八十八縣十

九

馬領今出木山中

在今慶陽府環縣南一百三十里太平寰宇記故城在

慶州北七十里

直路

在今鄜州中部縣西北二百里秦蒙恬通直道自九原



至雲陽南北相直八千餘里縣以此名也

沮水出西東入洛

說文解字作澶水經沮水出直路縣東過祓禰縣於洛注俗謂之漆水又謂之漆沮水孔安國曰漆沮一水矣今沮水出中部縣西北山東南流逕宜君縣西同官縣西耀州西與漆水會漆水出同官縣北山二水既合曰洛水今日石川河也至富平縣南入于渭此洛卽馮翊懷德縣入渭之水也段氏玉裁曰今志作出東西東入洛誤王氏念孫曰洛在沮東不得言西入洛說文云澶水出北地直路西東入洛水經注亦言東入于洛則此文原作沮水出西東入洛明矣松按此錢校改與王校同段氏說正相反

靈武

在今甯夏府城西北後漢書注元和郡縣志並云故城在懷遠縣西北按靈武故城有三一隋縣在今府城東北一唐縣在府城南與此不同也

莽曰威戎亭

本亦作威成水經注作威武以意改

富平

在今甯夏府靈州西南後漢書注元和郡縣志並云故城在回樂縣西南

北部都尉治神泉障

水經注神泉障北山龍尾溪龍尾水出焉東北流注清水在今靈州南



渾懷都尉治塞外渾懷障

在今府城西北一百里水經注曰歷城也元和郡縣志廢靈武城在懷遠縣東北隔河一百里其城本蒙恬所築古謂之渾懷障

莽曰特武

特本或作特水經注作持

靈州

在今靈州南後漢書注故城在馬領縣西北

惠帝四年置有河奇苑號非苑

所謂邊郡六牧師苑是也合都郵歸德西河鴻門凡六

莽曰令周

胸衍

今靈州地史記匈奴傳作胸衍非說文解字作胸應邵讀為煦鄭氏讀為吁

方渠

在今環縣南七十里

除道

秦始皇除道道九原抵雲陽此以其事氏縣疑與直路縣近也

莽曰通道

五街

莽曰吾街



鷓鴣

在今涇州靈臺縣東北太平寰宇記廢縣在宜祿縣西十里地形志作鷓鴣

歸德

在今慶陽府合水縣北元和郡縣志今洛原縣是

洛水出北蠻夷中入河

水今出慶陽府城東北白於山東南流逕鐵角城東北摩雲領南甘泉縣西折南逕洛川縣西中部縣東折東南逕宜君縣東白水縣東北折南逕蒲城縣東同州府城西折東至朝邑縣東入于河王氏念孫曰此言洛水出北蠻夷中記其所出也左馮翊懷德下云洛水東南入渭記其所入也入河二字衍文說文淮南子注皆本地地理志但言入渭不言

人河也禹貢錐指謂二水合流渭亦可稱洛非

有堵苑白馬苑

回獲

略畔道

在今合水縣西南三十八里元和郡縣志故城在樂蟠縣北五里合水縣西南三十八里太平寰宇記東北五里

莽曰延年道

泥陽

在今慶陽府甯州東南五十里史記正義故城在羅川縣北三十一里地形志陽周有泥陽城



莽曰泥陰

郁郅

今慶陽府城史記正義今宏化縣是元和郡縣志今慶州城卽漢郁郅城

泥水出北蠻夷中

疑卽今馬領水也俗曰馬連河出慶陽府城東北南流

逕府城東合水縣西合環縣河又南逕甯州西下流入

涇松按泥水卽馬領水泥與洛字形相近元和郡縣志

誤作洛水其地本有漆沮之洛於是調停之者分爲

有牧師苑官莽曰功著

義渠道

東洛水西洛水後又并二水爲一其誤甚矣

在今甯州西北史記秦厲共公三十三年伐義渠惠文

王十一年縣之括地志甯慶二州春秋及戰國時爲義

渠戎國地

莽曰義溝

弋居

有鹽官

大要

在今甯州東南後漢書鄧禹傳作大要松按要卽要字

廉

在今靈州西南闕駟曰縣在富平北段氏玉裁曰水經注河水引作廉城

縣



卑移山在西北

疑卽今賀蘭山也在甯夏府城西北五十里

莽曰西河亭

上郡秦置

秦昭王三年置

高帝元年更爲翟國

董翳國

七月復故

表八月屬漢爲上郡

匈奴歸都尉治塞外匈奴歸障莽曰增山

後漢書馬援傳有增山連率注莽改上郡爲增山舊本

脫此四字茲加入

屬并州戶十萬三千六百八十三口六十萬六千六百五

十八縣二十三

膚施

今綏德州括地志元和郡縣志並云故城在上縣東南

五十里

閻氏若璩曰秦漢上郡皆治膚施

有五龍山帝原水黃帝祠四所

郊祀志宣帝又立五龍山仙人祠及黃帝天神帝原水

凡四祠干膚施水經注奢延水又東帝原水西北出龜

茲縣東南流注奢延水卽今綏德州河俗以爲圓水非

也錢氏大昕曰據志文五龍山一也帝卽天神帝二也原水三也黃帝四也



獨樂

在今綏德州米脂縣北太平寰宇記以為在定平縣東北者後魏移置之縣非此也

有鹽官

陽周

在今延安府安定縣北九十里元和郡縣志以為甯州

真甯縣者後魏移置之縣非此也松按蒙恬賜死于陽周

橋山在南有黃帝冢

山在今安定縣東北俗稱之曰高柏山黃帝陵在其上水經注奢延水又東走馬水注之水出西南長城北陽周故城南橋山上有黃帝冢今奢延水曰無定河走馬

水曰懷甯河也括地志元和郡縣志並云橋山在羅川

縣東八十里子午山通典羅川縣有橋山黃帝葬處今

子午山在慶陽府真甯縣東此黃帝冢山之一誤矣册

府元龜大歷四年四月鄜坊節度使臧希讓上言坊州

有黃帝陵闕坊州今中部縣此黃帝冢山之再誤矣

葬曰上陵時

木禾

平都

輿地志與陽周縣相近

淺水

元和郡縣志邠州宜祿縣本漢淺水縣地淺水原即今



縣理所按宜祿今邠州長武縣也東北去上郡遠疑非是

莽曰廣信

京室

莽曰積粟

洛都

莽曰卑順

白土

在今榆林府神木縣西北鄂爾都斯界內括地志故城在鹽州白池縣東北三百九十里  
圍水出西東入河

史記匈奴傳作圍徐廣韋昭音銀水經注圍水出上郡白土縣圍谷東過圍陽入河今日屈野河也原出鄂爾都斯界內臺石坡東南流入邊城逕神木縣西至葭州北入黃河十里

莽曰黃土

襄洛

今延安府境地

莽曰上黨亭

原都

史記景帝本紀中元年原都雨雹卽此縣而基址未詳

漆垣



莽曰漆墻

奢延

在今榆林府懷遠縣西北鄂爾都斯界內水經注奢延水出奢延縣西南今無定河也

莽曰奢節

雕陰

在今延安府甘泉縣南四十里元和郡縣志故城在甘泉縣南四十里括地志在洛交縣北三十里應邵曰雕

山在西南山海經云疏屬山也山在今縣南二十里

推邪

莽曰排邪

楨林

在今榆林府神木縣東北鄂爾都斯界內

莽曰楨幹

高望

在今榆林府城北鄂爾都斯界內

北部都尉治莽曰堅甯

雕陰道

龜茲

今綏德府米脂縣水經注帝原水出龜茲縣注奢延水

應邵音邱慈

屬國都尉治有鹽官



松按馮奉世傳上郡屬國  
歸義降胡萬餘人反去

定陽

在今延安府宜川縣西北應邵曰在定水之陽水經注  
河水又南合黑水水出定陽縣西山東南流逕其縣北  
右合定水俗謂之白水也出縣南山定水谷東逕故城  
南注于黑水亂流注于河

高奴

今延安府城元和郡縣志今延州理即縣故城翟王都  
有涓水肥可難

水經注曰豐林水今出安塞縣西北東流合延水入河  
本脫肥字依水經注加難古然字

王氏念孫曰肥者膏也謂水上之肥可然

非謂水可然也松按段氏  
校亦依水經注補肥字

莽曰利平

望松

北部都尉治

宜都

莽曰堅甯小邑

西河郡武帝元朔四年置南部都尉治塞外翁龍埤是  
是即氏氏者山阜之稱楊雄稱響若氏隕古氏與是字  
通用

莽曰歸新屬并州戶十三萬六千二百九十口六十九萬  
八千八百三十六縣三十六



富昌

在今甯武府偏關縣北段氏玉裁曰漢富昌城在鄂爾多斯左翼前旗界

有鹽官莽曰富成

騶虞

鵠澤

孟康讀鵠為告

平定

在今榆林府城北鄂爾都斯界內戴氏震曰漢西河郡治平定縣見東觀記

元和志謂理富昌縣者謬

莽曰陰平亭

美稷

今偏關縣地通典邠州隰成縣有美稷鄉漢縣也太平

寰宇記在西河縣水經注湍水出美稷縣段氏玉裁曰美稷故城在

鄂爾多斯左翼中旗東南故勝州之西南也

屬國都尉治

松按馮奉世傳西河屬國胡伊酋若王將眾數千人畔

中陽

今汾州府孝義縣後漢書注今孝義縣水經河水南過

中陽縣西注中陽縣城在東東翼汾水隔越重山不濱

于河也松按段氏引戴氏說以水經河水地望考之中陽西濱河當在今汾州府甯鄉縣境趙世家云

取我西都及中陽是也

樂街



莽曰截虜

徒經

莽曰廉恥

皋狼

史記趙世家取藺郭狼古字皋郭聲相轉故誤今汾州

府永甯州地

大成

在今榆林府城東北鄂爾都斯界內

莽曰好成

廣田

莽曰廣翰

圖陰

在今榆林府葭州北屈陰河之南水經注圖水逕圖陰

縣北段氏玉裁曰說文旬從言勻省聲漢中西城有旬鄉許引此而不引西河之旬陰旬陽則知許時作

圖陰圖陽也其字譌久矣

惠帝五年置莽曰方陰

益蘭

莽曰香蘭

平周

王氏念孫曰漢平周鉦所紀縣名有平周平定圖陰三縣皆屬西河錢氏大昕曰王莽傳民棄城郭流亡為盜賊并州平州尤甚胡三省注通鑑以為時無平州疑字誤考路博德傳云西河平州人是平州為西河屬縣州周古字通用也



鴻門

在今神木縣南地里風俗記圖陰縣西五十里有鴻門亭

有天封苑火井祠火從地出也

郊祀志宣帝祠天封苑火并于鴻門離騷有封狐王逸

注封狐大狐也張衡南都賦云天封大狐攷封狐即封

狼星名王氏念孫曰郊祀志注水經注引此志皆作地

中出火從地中出謂從井中出也則此處應補

蘭

今汾州府永甯州地史記秦北取蘭離石

宣武

莽曰討貉

千章

增山

有道西出眩雷塞

史記匈奴傳作虛雷服虔曰地在烏孫北眩音州縣之

縣在烏孫北疑遠非是

北部都尉治

圖陽

在今葭州北屈野河之北水經注圖水逕圖陽縣南王氏

念孫曰少室神道石闕銘開母廟石闕銘並有西河圖

陽馮寶劉寬碑陰有西河圖陽田植松按瞿中溶有寰

陽宰之印即此圖陽縣也瞿氏為之考曰漢書西河郡

圖陽師古曰此縣在圖水之陽又圖陰師古曰圖字本



作圍縣在圍水之陰因以為名也王莽改為方陰則是當時已誤為圍字今有銀州銀水即舊名猶存但字變耳又上郡白土縣圍水出西東入河師古曰圍音銀又水經河水云又南過西河圍陽縣東鄜元注圍水出上郡白土縣圍谷東逕其縣南地理志曰圍水出東入河圍水又東逕圍陰縣北按史記匈奴傳晉文公攘戎翟居于河西圍洛之間小司馬索隱曰三蒼圍作圍韋昭云圍當為圍續郡國志及太康地里志並作圍字也又按漢少室神道石闕銘及薛尚功鍾欵識漢平周鉦文圍陽圍陰皆作圍自韋昭漢書注有圍當為圍之說後人皆沿其謬改亂舊文師古不明小學反以作圍為誤陋矣此印文作寰乃古縣字亦從眾得聲故通用據此亦可證漢時不作圍也王氏念孫又曰古無圍字故借圍為之韋顏並以圍為圍之誤非也

廣衍

武車

莽曰桓車

虎猛

在今榆林府城北鄂爾都斯界內

西部都尉治

離石

在今永甯州西

穀羅

武澤在西北

後漢書注作虎澤上林賦有紫淵注紫澤在此縣趙氏一清

曰後漢建武二十八年詔南匈奴徙居美稷之虎澤唐諱虎改武

饒

莽曰饒衍

方利



莽曰廣德

隰成

在今永甯州西水經注離石水出離石縣南逕隰成縣南王子侯表作濕成

莽曰慈平亭

臨水

莽曰監水

土軍

今汾州府石樓縣元和郡縣志石樓縣理城即土軍城也

西都

今孝義縣地

莽曰五原亭

平陸

陰山

在今延安府宜川縣東南水經注蒲水出陰山縣東北

入河

莽曰山甯

覲是

蘇林音麿

莽曰伏覲

博陵



莽曰助桓

鹽官

朔方郡武帝元朔二年開

史記衛青出雲中以西至高關略河南地至隴西走白

羊樓蘭王遂以河南地為朔方郡錢氏大昕曰武帝元封五年置十三部刺

史並與朔方各自為部未嘗屬并州也朔方之屬并乃

光武建武十一年事耳上郡亦屬朔方部故馮野王為

上郡太守朔方刺史

西部都尉治窳渾莽曰溝搜屬并州戶三萬四千三百三

十八口十三萬六千六百二十八縣十

三封  
在今甯夏府城東北鄂爾都斯界內在黃河西北岸元

和郡縣志故城在長澤縣北二十里十三州志縣在臨

戎縣西一百四十里

武帝元狩三年城

朔方

在今榆林府懷遠縣北鄂爾都斯界內在黃河南岸括

地志什賁故城蘇建築什賁番語也元和郡縣志故城

在今朔方縣北即什賁城是閻氏若璩曰據元和志則

朔方郡治朔方縣又曰元

金連鹽澤青鹽澤皆在南

魏土地記縣有大鹽池其鹽大而青白名曰青鹽又名

戎鹽入藥分漢置典鹽官



莽曰武符

修都

臨河

在今榆林府靖邊縣北鄂爾都斯界內在黃河南岸元和郡縣志以為在延水縣北者誤也

莽曰鹽河

呼道

窳渾

在今靖邊縣北鄂爾都斯界內在黃河東南岸衛青傳

作窳渾徐廣音窳為庾閻氏若璩曰水經注云漢武帝

又云元朔二年取河南地為朔方郡築朔方城王莽曰武符似又以此城為郡治松按水經注皆據漢志言治

窳渾者蓋用都尉治窳渾之文也

有道西北出雞鹿塞屠申澤在東

水經注河水溢于縣故城東積而為澤東西一百二十

里今日騰格里鄂模也

莽曰極武

渠搜

在今懷遠縣北鄂爾都斯界內在黃河南岸

中部都尉治莽曰溝搜亭

本脫亭字依水經注加段氏玉裁曰郡名溝搜矣則縣名應異也松按段校同王校亦

同

沃墜



在今甯夏府城東北鄂爾都斯界內在黃河東岸

武帝元狩三年城有鹽官莽曰綏武

廣牧

在今榆林府城西北鄂爾都斯界內在黃河南岸

東部都尉治莽曰鹽官

臨戎

在今甯夏府城東北鄂爾都斯界內在黃河東岸閻氏若據

曰水經注云舊朔方郡治臨戎指東漢時也

武帝元封五年城

水經注作元朔五年

莽曰推武

五原郡秦九原郡武帝元朔二年更名

武帝紀元朔二年置朔方五原郡

東部都尉治稠陽

水經注河水東逕宜梁縣南又逕稠陽城南東部都尉

治在今榆林府城東北鄂爾都斯界內在黃河北岸與

下稠陽縣是兩地不同也

莽曰獲降屬并州戶三萬九千三百二十二口二十三萬

一千三百二十八縣十六

九原

在今榆林府城東北鄂爾都斯界內在黃河東北岸元和郡縣志敬本古城在中受降城北四十里鄭虔軍錄



日城周一萬八百七十二步賈耽古今述曰以地里求

之前代九原城也閻氏若璩曰秦之九原郡漢之五原郡皆治九原縣

莽曰成平

固陵

莽曰固調

五原

在今榆林府神木縣西北鄂爾都斯界內在黃河東北

岸

莽曰填河亭

臨沃

在今榆林府府谷縣西北鄂爾都斯界內在黃河東北

岸

莽曰振武

文國

莽曰繁聚

河陰

在今榆林府城東北鄂爾都斯界內在黃河西南岸

蒲澤

屬國都尉治

南輿

今府谷縣地隋置勝州于此本作南輿水經注作輿依

改之雲中有北輿此加南



莽曰南利

武都

太平寰宇記在銀州界

莽曰桓都

宜梁

在今榆林府城北鄂爾都斯界內在黃河北岸十三州志在五原西南六十里

曼柏

在今府谷縣北鄂爾都斯界內在黃河西岸後漢書注今銀州縣也

莽曰延柏

成宜

在今榆林府城北鄂爾都斯界內在黃河北岸太平寰宇記在銀州界

中部都尉治原亭

本作原高水經注云河水逕成宜縣南又逕原亭南依

此改之

松按王校同

西部都尉治田辟

水經注河水逕西安陽縣南又逕田辟城南

松按段氏引趙氏曰

原亭田辟並邊障名辟同壁

有鹽官莽曰艾虜

稠陽



在今府谷縣東北在黃河東北岸括地志後漢書注並

云故城在銀城縣界水經注河水逕臨沃縣南又逕稠

陽縣南史記魏世家作固陽閻氏若璩曰郡太守不與

治稠陽則胡身之謂都尉同一治東部都尉已

北出石門障得光祿城又西北得支就城又西北得頭曼

城又西北得葷河城又西得宿虜城

武帝紀太初三年遣光祿勳徐自為築五原塞外列城

西北至盧胸蓋自為為光祿勳故城即以光祿得稱也

史記傳作盧胸服虔曰盧胸匈奴地名張晏曰山名裴

駟作胸為衢葷河括地志作牢河

莽曰固陰

莫黜

如淳音切怛

西安陽

在今榆林府城西北鄂爾都斯界內在黃河北岸後漢

書注故城在銀城縣何氏焯曰汝南有安陽故此加西

北有陰山注引徐廣曰陰山在河南陽山在河北史

記曰蒙恬築長城臨洮延袤萬餘里度河據陽山

莽曰漳安

在今懷遠縣西北鄂爾都斯界內在黃河南岸括地志

故城在北假中水經注河水逕河目縣在北假中地名

也按北假中在黃河北岸



雲中郡秦置

始皇十三年也據史記趙武靈王北破林胡樓煩所置  
蓋秦因之虞氏記趙武侯于河西造大城一箱崩不就  
乃改卜陰山河曲而禱焉晝見羣鵠游于雲中徘徊經  
日見大光在其下武侯曰此為我乎乃于其處築城  
莽曰受降屬并州戶三萬八千三百三十七萬三千二  
百七十縣十一

雲中

在今榆林府神木縣東北鄂爾都斯界內黃河東北岸  
括地志太平寰宇記並云故城在榆林縣東北四十里  
閻氏若據曰秦雲中郡治遠服縣漢曰雲中或曰王  
莽始更漢雲中縣為遠服然焉知莽非本秦舊乎

莽曰遠服

咸陽

在今榆林府府谷縣東北在黃河東北岸水經注河水  
東逕咸陽縣南白渠水注之

莽曰賁武

陶林

東部都尉治

積陵

在今府谷縣東北在黃河東北岸太平寰宇記故城在  
榆林縣西北水經注北去雲中城一百二十里  
緣胡山在西北西部都尉治莽曰積陵



犢和

沙陵

在今神木縣北在黃河東北岸

莽曰希恩

原陽

在今朔平府城西北邊城北水經注荒干水逕武泉縣

又逕原陽縣西

沙南

在今府谷縣東北在黃河西南岸通典太平寰宇記並

云榆林縣本漢沙南縣城

閻氏若璩曰元和志榆林縣本漢沙南縣漢雲中郡故城

在縣東北四十里則雲中郡治沙南矣松按今巴里坤澗舍圖嶺煥彩溝有後漢永和五年石曰雲中沙南侯

是後漢時嘗為國而郡國志亦不載

北輿

在今朔平府城西北水經注武泉水出武泉縣西南西

南逕北輿縣南闞駟曰廣陵有輿此加北疑太疎遠也

五原有南輿故此加北

錢氏大昕曰輿縣屬臨淮後漢始屬廣陵

中部都尉治

武泉

在今朔平府城西北括地志故城在朔州北二百二十

里史記正義在善陽縣界水經注有武泉水入荒干水

莽曰順泉

陽壽



莽曰常得

定襄郡高帝置

高帝六年置

閻氏若璩曰水經注言舊定襄郡治善無指東漢時也

莽曰得降屬并州戶三萬八千五百五十九口十六萬三千一百四十四縣十二

成樂

在今朔平府城西北邊城北今歸化城即縣地也元和郡縣志東受降城在朔州北三百五十里本城樂縣也魏土地記雲中城東八十里有成樂城

桐過

在今保德州河曲縣東北

莽曰椅桐

都武

莽曰通德

武進

在今朔平府城西北邊城北太平寰宇記故城在雲中

縣西一百四十里魏書曰北山西南流人黨山脈由白渠水出塞外西至沙陵入河

今日黑河原出殺虎口外察哈爾東北海拉蘇台坡西南流曰伊克土爾根河逕歸化城南又西南匯為太湖

曰黨山湖由湖入河  
西部都尉治莽曰伐蠻



襄陰

武皋

在今朔平府城西北殺虎口是其地水經注荒干水西南逕武皋縣

荒干水出塞外西至沙陵入河

今日白道河原出殺虎口北山西南流入黛山湖由湖入河湖水經注曰沙陵湖也

中部都尉治莽曰永武

駱

莽曰遮安

安陶

莽曰迎符

武城

莽曰桓就

武要

東部都尉治莽曰厭胡

定襄

在今大同府城西北二十八里括地志故城在善陽縣北三百四十里

莽曰著武

復陸

莽曰聞武



雁門郡秦置

始皇二十三年置

句注山在陰館

山在今代州西二十里義見太原郡

莽曰填狄屬并州戶七萬三千一百三十八口二十九萬三千四百五十四縣十四

善無

在今朔平府城南水經注中陵水逕中陵縣東北又逕

善無縣西閻氏若璩曰雁門郡治善無

莽曰陰館

沃陽

志卷第十三

三

十一文

在今朔平府城東北水經注中陵水分爲二水一水東北出謂之沃水東逕沃陽縣南

鹽澤在東北有長丞

水經注鹽池東西二十里南北二十里池西有舊城卽

長丞所治也

西部都尉治莽曰敬陽

繁時

今代州繁時縣地後漢書注今代州縣

莽曰當要

中陵

今朔平府平魯縣水經注中陵水出中陵縣西南今日

志卷第十三

三



兔毛河出平魯縣西南

莽曰遮害

陰館

今大同府山陰縣地太平寰宇記故縣在鄯陽縣

段氏王裁

曰陰館故城在今代州北四十里

故樓煩鄉景帝後三年置象頭山

山在今朔州馬邑縣西北十里俗呼曰洪濤山

王氏念孫曰言

陰館縣乃故樓煩鄉景帝後三年始置耳松按今志脫故字錢校補

治水所出東至泉州入海

水經灤水出陰館縣東至雍奴縣西入笥溝說文解字灤水或曰治水也武五子傳祠台水晉灼曰台水在雁

門台即治字耳今日永定河亦曰桑乾河原出洪濤山

東南流逕馬邑縣南山陰縣北應州北大同府城南渾

原州北陽高縣南天鎮縣南廣靈縣北蔚州北西甯縣

南懷安縣南保安州南懷來縣南居庸關西南昌平州

西南京城西南良鄉縣東通州西固安縣東北永清縣

東北武清縣東南天津府城北入于海

過郡六行千一百里

過雁門代上谷廣陽漁陽五郡六字疑誤

莽曰富臧

本作富代依水經注改

松按王校同

樓煩



在今代州崞縣東北後漢書注故城在崞縣東北太平寰宇記只云東非也李奇曰此縣人善騎射謂士為樓煩取其稱

有鹽官

武州

在今大同府城西北水經注羊水出武州塞北注如渾水亦名衛河出邊外南流合武州川水入桑乾河十三州志武州在善無縣西南一百五十里魏土地記平城西三十里為武州塞口搜神記作武周

莽曰桓州

涅陶

在今大同府懷仁縣東南孟康音涅為枉松按今志作孟康音注故

段校據集韻改作枉錢氏蓋用其說

劇陽

在今大同府應州東十三州志在陰館縣東北一百三十三里水經注崞川水逕繁峙縣東劇陽縣西注灤水

莽曰善陽

崞

今代州崞縣後漢書注今代州縣孟康音郭說文解字崞山在雁門水經注縣南面元岳右背崞山

莽曰崞張

平城



在今大同府城東五里後漢書注今雲州定襄縣史記正義在定襄縣東三十里冀州圖古平城在白登臺南東部都尉治莽曰平順

塙

莽曰填狄亭

馬邑

在今朔州東括地志朔州城漢馬邑縣城太平寰宇記鄯陽縣即漢馬邑縣太康地志秦時築此城輒崩不成有馬周旋馳走反覆父老異之因依以築城遂名為馬邑

莽曰章昭

疆陰

聞諸澤在東北

莽曰伏陰

代郡秦置

始皇二十三年置

莽曰厭狄有五原關

成帝紀作五阮如淳讀阮為近卷反

常山關

在今易州廣昌縣西南曰倒馬關即飛狐口也地道記恒山在上曲陽西北百四十里北行四百五十里得恒山峯號飛狐口北則代郡也史記正義蔚州飛狐縣北



一百五十里有秦漢故郡城西南有山俗號飛狐口  
屬幽州戶五萬六千七百七十一口二十七萬八千七百  
五十四縣十八

桑乾

在今宣化府保安州東魏土地記代郡北九十里有桑  
乾城孟康讀乾爲干

莽曰安德

道人

在今大同府天鎮縣西北十三州志在高柳東北八十  
里應邵曰初築此城有仙人游其地因以爲名

莽曰道仁

當城

在今宣化府城南

高柳

在今大同府城東南後漢書注故城在定襄縣通典雲  
中縣有高柳城水經注城在平城東南六七十里于代

爲西北也

閻氏若璩曰水經注言舊代郡治高柳謂東  
漢也秦時亦治高柳與東漢同與西漢異觀  
西漢西部都尉治高柳不爲郡守治可知

西部都尉治

馬城

今天鎮縣地于延水之所逕也十三州志在高柳東二  
百四十里



東部都尉治

班氏

在今大同府城南水經注如渾水逕班氏縣東注于灤水

秦地圖曰班氏莽曰班副

錢氏大昕曰此注疑有脫誤秦地圖蓋即蕭何所收者琅琊郡長廣縣奚養澤在西秦地圖曰劇清地史引秦地圖祇此二條

延陵

今宣化府萬全縣地應邵曰在當城西北延應音征

狝氏

在今大同府渾原州西北十三州志在高柳南百三十

里孟康音權精 錢氏大昕曰狝有祈音氏有支音祈與權支與精聲皆相近

莽曰狝聚

且如

今天鎮縣北塞外地應邵曰在馬城西北四十里

于延水出北塞外東至廣甯入沽

沽卽治字之誤水經注云地里志作入沽非是知治字

爲沽在道元之前水今日東洋河亦曰修水原出宣化

府城西北邊外東南逕懷安萬全二縣至保安州東入

桑乾河 松按治水卽灤水今之桑乾河于延水今之洋河至下文之漁陽沽水則今之白河段氏說文

注曰治水灤水異名同實武五子傳作台水台卽治也前志于延水出塞外東至廣甯入治又曰祈夷水北至桑乾入治小顏本治皆譌沽酈云地里志于延水東至廣甯入治非是謂于延逕廣甯故城南又逕茹縣故城



北又逕鳴雞山西又逕且居縣故城南  
乃後注於灤水不當云在廣甯入治也

中部都尉治

平邑

在今大同府陽高縣西南十三州志在高柳南八十里  
水經注灤水逕班氏縣東又逕平邑縣南又逕狝氏縣  
北

莽曰平胡

陽原

在今宣化府西甯縣西十里水經注灤水東逕狝氏縣  
北又逕道人縣南又逕陽原縣南

東安陽

在今宣化府蔚州東北一百里十三州志五原有西安  
陽故云東水經注灤水東逕陽原縣南又逕東安陽縣  
北

莽曰竟安

參合

在今陽高縣西北應邵曰在道人縣北五十里通典雲  
中縣有參合陂

平舒

今大同府渾原州括地志故城在靈邱縣北九十三里  
祁夷水北至桑乾入沽

沽亦當為治今有水自廣靈至蔚州在懷安縣南入桑



乾者卽是水也水經注水出縣東

莽曰平葆

代

在今蔚州東二十里

莽曰厭狄亭

靈邱

在今大同府靈邱縣東十里括地志故城在靈邱縣東十里

滹水東至文安入大河

山海經高氏之山滹水出焉東流注于河說文解字滹水起代郡靈邱東入河卽滹夷水水經滹水出靈邱縣

高氏山東北入于易易水入海今高氏山在靈邱縣西

北十里滹水出今渾原州南翠屏山東南流逕靈邱縣

南廣昌縣南唐縣西北曲陽縣東定州東北慶都縣西

至祁州西南而與沙河滋河會折東北逕博野縣南蠡

縣南肅甯縣北高陽縣北至安州南入易水易水又東

北逕新安縣南任邱縣北雄縣南保定縣北霸州南永

清縣東南而與桑乾河合東逕天津府城北入海自新

安縣以下滹易一也亦互受通稱耳段氏玉裁曰滹水

本由今清苑縣東南與濡博諸水合流注易後

徙而東不入縣境大河之名非志所有當有誤

過郡五行九百四十里并州川

過代常山中山涿勃海五郡



廣昌

今易州廣昌縣史記正義故城在飛狐縣北七里十三

州志在平舒東九十里閻氏若璩曰張守節云蔚州飛

城飛狐漢廣昌縣地則漢代郡治廣昌縣秦亦爾上云治高柳者恐誤

涑水東南至容城入河

水經巨馬河出廣昌縣涑山東至東平舒入海注卽涑

水也亦曰渠水地里志云入河河濡水也蓋互以明會

矣今水出廣昌縣北山東流逕紫荆關北入長城逕易

州北涑水縣北涑州北折南流逕固安縣西新城縣東

合北易水南逕雄縣西合南易水南易卽南濡矣自下

合涑水東北入海

過郡三行五百里并州寢

過代涿二郡三字疑誤

莽曰廣屏

鹵城

在今代州繁峙縣東一百里

虜池河東至參戶入虜池別過郡九行千三百四十里并

州川從河東至文安入海過郡六行千三百七十里

從河疑當作別河字之誤也水經無虜池河于二漳滏

易巨馬諸經中雜出一二語蓋書逸也今河上流爲虜

池正流下流則爲別河正流爲漳水所亂莫可攷矣水

出繁峙縣東北泰戲山西流逕縣城南折南逕崞縣東



折東逕定襄縣東北五臺縣南折東南出長城逕平山縣北獲鹿縣北靈壽縣南真定府城南藁城縣北晉州南東鹿縣西入大陸澤曰北泊出澤東北流逕武邑縣北武強縣南至獻縣西分爲二一流北出逕河間府城南文安縣南青縣西北大城縣南至東安縣東會桑乾河一流南出逕交河縣北青縣東南至靜海縣北會桑乾河同入于海河北之水惟虘池決溢無常漸趨而南無復舊迹矣應過代雁門常山信都河間勃海六郡九郡不可聞

段氏玉裁曰毛傳曰沱江之別者也說文曰勃解海之別也周禮注州黨族比閭者鄉之屬此云虘沱別者謂虘沱之別不必有河字河間國弓高下則或加河字矣又曰從河當作徙河松按東至參戶今俗本作參合此錢氏改之也齊氏召南曰參合爲參戶之訛參戶勃海郡屬縣故下文曰過郡九若其東

至參合入虘池別同在一郡安得云過九郡乎且參合故城在北塞之外限隔重山既北至參合安能復南注勃海也又按虘池別見河間國弓高下云虘池別河首受虘池河東至平舒入海平舒之上脫東字東平舒勃海郡屬縣但曰平舒便疑向代郡之平舒矣王氏念孫曰弓高下言虘池別河則此處別下當有河字

莽曰魯盾

上谷郡秦置

始皇二十三年置攷史記燕已有上谷之稱秦因之置

郡耳王隱晉書地道志郡在谷之頭故以名之

段氏玉裁曰說文上谷有鄴縣讀若薊今志無此縣

莽曰朔調屬幽州戶三萬六千八百一十一萬七千七百六

十二縣十五

沮陽



在今宣化府懷來縣北十里後漢書注故城在媯州東

服虔音阻孟康音俎閻氏若璩曰秦漢上谷郡皆治沮陽

莽曰沮陰

泉上

今懷來縣地

莽曰塞泉

潘

在今宣化府保安州西南括地志潘媯州城也太平寰

宇記懷戎縣也魏土地記在下落西南四十里十三州

志在廣平城東北百十里水經注灤水東逕潘縣北又

逕下落縣南

莽曰樹武

軍都

在今順天府昌平州東南四十五里括地志昌平縣本

漢軍都縣後漢書注今昌平縣也史記周勃世家作渾

都

溫餘水東至路南入沽

水經作濕餘遼史作溫渝元史作溫榆今名榆河亦曰

沙河原出昌平州西北居庸關東南流逕州城南順天

府城東北會海淀水至通州北入白河王氏念孫曰溫餘本作灤餘灤

省作灤與濟濕之濕相亂因譌而為濕又譌而為溫戴氏震校水經注已詳辨之

居庸有關



今居庸關在順天府城西北一百二十里通典在昌平縣西北水經注關在沮陽城東南六十里

碓磬

今宣化府蔚州地水經注連水出碓磬縣東西北逕碓磬縣南廣昌城南孟康音句無

夷輿

今宣化府懷安縣地

莽曰朔調亭

寧

在今宣化府延慶州西魏土地記謂之小寧城在大寧城西二十里古字寧寧通用

西部都尉治莽曰博康

昌平

在今昌平州東南通典後漢書注並云故城在昌平縣

東南

莽曰長昌

廣甯

今延慶州魏土地謂之大甯城

莽曰廣康

涿鹿

在今保安州東南今有涿鹿山在州西南九十里爾雅四極北至于祝栗祝栗即涿鹿也史記索隱一作濁鹿



莽曰栝陸

且居

在今宣化府城東北邊城外即獨石衛也匈奴官名且渠亦作沮渠亦作且居縣以為氏

陽樂水出東南入海

水經注沽水東南與鵲谷水合水有二原南原即陽樂水也南流逕大翻山小翻山北又東南逕赤城西入沽今大翻山小翻山在延慶州北陽樂水即今之獨石水也水出獨石口南流逕赤城縣東北延慶州北而合白河又東南至密雲縣西而與潮河會又南合溫餘水為路河東南入海

王氏念孫曰入海當作入沽水經沽水注曰陽樂水出且居縣引地理志曰水

出縣東又曰陽樂水東南合赤城河又東南入沽水是其證今猶謂之陽樂河出宣化府龍門縣西娘子山東南至鵬鷲堡合南河柳河又東至赤城縣入沽河與水經注合其入沽之處在赤城縣南界尚未出山不得言入海也此涉下文沽水入海而誤松按王校作陽樂水出東東入沽陽樂今志作樂陽錢王校改

莽曰久居

茹

今興和衛在宣化府北邊外

莽曰穀武

女祁

今宣化府赤城縣地水經注陽樂水逕大翻小翻山北歷女祁縣故城南

東部都尉治莽曰祁



下落

今宣化府城水經注作下洛

莽曰下忠

新輯注地里志卷第十三終

新輯注地里志卷第十四

嘉定錢坫著

大興徐松集釋

漁陽郡秦置

始皇二十二年置

莽曰通路屬幽州戶六萬八千八百二口二十六萬四千

一百一十六縣十二

漁陽

在今順天府密雲縣西南三十里史記正義故城在密

雲縣南十八里應邵曰縣在漁水之陽也水經注漁水

出縣東南平地西南入沽水在今縣南

閻氏若璩曰秦漢漁陽郡皆治



沽水出塞外東南至泉州入海

水經沽河從塞外來西南與濕餘水合為潞河至雍奴縣南為笥溝東南至泉州縣與清河合東入于海即今之潮河也原出古北口外大山東南流入口折西南逕密雲縣南與白河會白河即陽樂水也合而南流逕順義縣東至通州北合温餘水逕通州東折東南逕香河縣西武清縣北折南逕東安縣東折東合桑乾水逕天津府城北下流入于海段氏玉裁曰沽河今之白河出宣化府獨石口之獨石水合赤城水龍門水東南流逕密雲縣西與潮河合潮河古鮑邱水也既得潮河西南逕懷柔縣東南南經順義縣東至通州城北東南三面俗稱古潞水又南逕舊灑縣西又逕香河縣西南又東南逕武清縣東又東南入天津縣界合諸大川出直沽入海

行七百五十里有鐵官莽曰得漁

狐奴

在今順天府順義縣東北二十里路水于縣合沽

莽曰舉符

路

在今順天府通州東南後漢書注今幽州縣也以水氏

縣

莽曰通路亭

雍奴

今順天府武清縣太平寰宇記故城在薊縣

泉州



在今武清縣東南四十里後漢書注故城在雍奴縣南有鹽官莽曰泉調

平谷

在今通州北通典後漢書注並云故城在潞縣北

安樂

在今通州西北通典後漢書注並云故城在潞縣西北

庠奚

在今密雲縣西太平寰宇記檀州縣也孟康庠音題字

亦作題郡國志作僂奚太平御覽作虎奚王氏念孫曰漢志本作虎

奚御覽引尚不誤段氏玉裁曰水經注作僂奚孟康曰字或作蹄蹄當是蹠之譌水經注之僂亦蹠之譌也廣韻集韻皆無僂而集韻曰虎奚縣名音田黎切然則僂者譌字

莽曰敦德

獮平

在今密雲縣西南水經注鮑邱水南逕庠奚縣東又逕

獮平縣東服虔讀獮為鞏

莽曰平獮

要陽

在今密雲縣東南六十里在要水之陽也水在縣東北

都尉治莽曰要術

白檀

在今密雲縣南二十里

洹水出北蠻夷



水經注作濡水出縣北蠻中即遼西肥如之水也錢氏大昕

曰水經注濡水流逕漁陽白檀縣故城地理志曰濡水出縣北蠻中蓋鄴元所見之漢書本作濡水不知何時譌濡為洫師古不能正也漢之白檀縣在今古北口外灤水所經濡灤古今字別無洫水之名王氏念孫曰白檀之濡字本作洫故訛為洫音呼臭反蓋本作洫譌為洫得訛洫也段氏玉裁曰洫音呼臭反蓋本作洫譌為洫故顏切呼鷄善長注水經時所見不誤故引之今漢志作洫則又非顏所見也又曰洫必是濡之誤濡本洫之誤也鄴時尙未誤今水經注所引恐後人以誤本改之師古音呼鷄反洫不當有此音蓋顏以洫同殍松按錢引水經注作濡蓋承用俗本未經校改

滑鹽

在今順天府平谷縣西北明帝改曰鹽田松按鹽田今本應邵注奪

田字錢據水經注補段校同

莽曰匡德

右北平郡秦置

始皇二十二年也

莽曰北順屬幽州戶六萬六千六百八十九口三十二萬

七百八十縣十六

平剛

在今永平府城東北四百里水經注盧龍東越青陘至

凡城二百許里東北出趨平岡故城可百八十里向黃

龍則五百里平岡即平剛

無終

今遵化州玉田縣後漢書注故城今漁陽縣也魏土地

記右北平城西北有無終城徐樂傳云燕郡無終是漢



初屬燕

日知錄無終為故無終子國證以史記范書韋昭國語注水經注魏土地記無終之為今玉田

縣無可疑者然左傳襄四年無終子如晉請和諸戎昭元年晉中行穆子敗無終及羣狄於太原漢書樊噲傳擊陳豨破得綦母印尹潘軍於無終廣昌則去玉田千餘里豈無終國先在雲中代郡之境而後遷右北平歟又曰徐樂傳言燕郡無終地理志無燕郡考燕王定國以元朔二年秋自殺國除至元狩六年四月始立皇子旦為燕王蓋其間為燕郡者十年而志軼之閻氏若璩曰水經注云無終縣秦置右北平郡治漢李廣為郡於此縣又按田疇傳舊北平郡治在平岡是北平郡治先平岡而後無終矣

湧水西至雍奴入海

水經注庚水出右北平徐無縣北塞中西南流入鮑邱

水世謂之柘水也今日還鄉河出豐潤縣東北山西南

流逕縣城西北又西南折南屈曲入海

過郡二行六百五十里

過右北平漁陽二郡

石成

今奉天府西北地水經注白狼水所逕者也今水在府

西北邊外合大遼水似與水經注原流又異

廷陵

莽曰鋪武

俊靡

在今遵化州西後漢書注故城在漁陽縣北說文解字

作浚靡

灑水南至無終東入庚

水經注世謂之車輦水今無所攷庚卽溲水也王氏念孫曰宋



子京謂灑當作灑誤灑出雁門陰館卽今桑乾河與此  
右北平之灑了不相涉段氏注說文引通菽錄曰今灑  
水自遵化州西北四十五里鮎魚石關外入口東逕温  
泉又東迤南十五里曰水門口又西南入黎河黎河卽  
也庚水

莽曰俊麻

蕘

都尉治

莽曰哀睦

徐無

在今遵化州東魏土地記右北平城東北百一十里有

徐無城

莽曰北順亭

字

疑卽子谷口也古子字聲同通用通稱在今山海關西  
北邊城外

榆水出東

今日榆河亦曰石河原出邊城北子谷口西南流至山

海關城西南入海

土垠

在今遵化州豐潤縣東十里後漢書注故城在今平州

西南郡國志云上垠

白狼

今奉天府西北地水經注白狼水出白狼縣者此也



莽曰伏狄

夕陽

有鐵官莽曰夕陰

昌城

在今永平府城西南水經注新河東北逕昌城縣北

莽曰淑武

驪成

今永平府撫甯縣

大揭石山在縣西南

禹貢之揭石也在今永平府昌黎縣東南今無山說文解字作碣云特立之石東海有碣石山水經注大碣石

山漢武登之以望巨海而勒其石於此今枕海有石如甬道數十里當山頂有大石如柱形往往而見立于巨海之中潮水大至則隱及潮波退不動不沒世謂之天柱橋也

莽曰揭石

廣成

今奉天府西北地水經注白狼水所逕者也

莽曰平虜

聚陽

莽曰篤睦

平明



莽曰平陽

遼西郡秦置有小水四十八并行三千四十六里屬幽州  
戶七萬二千六百五十四口三十五萬二千三百二十五  
縣十四

且慮

在今永平府城東

有高廟莽曰鉏慮

鉏且同聲

海陽

今永平府樂亭縣地魏土地記令支城南六十里有海  
陽城

龍鮮水東入封大水封大水緩虛水皆南入海

水經注濡水與新河故瀆合新河又東分爲二水新河  
自支渠東出合封大水謂之交流口水出新安平縣故  
城西東南流龍鮮水注之水出縣西北亂流南會新河  
新河又東出海陽縣與緩虛水會水出新安縣東北東  
南流逕令支城西與新河合南流注于海並在今府城  
東南而無水以應之

有鹽官

王尊傳尊補遼西鹽官長

新安平

在今永平府城東



夷水東出塞外

柳城

在今錦州府甯遠州西南今平山營城是其地後漢書

注故城在今營州南

馬首山在西南參柳水北入海

自北而南入海也山水二名今無所攷今有涼水河原  
出松領山南流逕平山營東前屯衛城東入海或卽是  
也

西部都尉治

令支

在今永平府城東南通典故城在盧龍縣東括地志在

盧龍縣南十二里史記齊世家作離支離令聲相轉呂

氏春秋九塞有疵處淮南子作令疵高誘曰令疵在遼

西亦卽此支疵聲相近皆通用應邵音令爲鈴孟康音

支爲祇

有孤竹城

伯夷叔齊國也在今府城西十五里薛綜曰孤竹國出

竹

莽曰令氏亭

肥如

今永平府城後漢書注今平州也太平寰宇記今盧龍  
縣也應邵曰肥子奔燕燕封于此



元水東入濡水

水經注元水出肥如縣東北元溪俗謂之肥如水在今

府城東二十里原自部落領下流至府城西入灤河按松

濡乃溷之訛段氏玉裁曰集韻溷奴官切水名在遼西類篇亦同是知宋初班固之書尚未誤丁度温公所據可攷也至脫脫宋史乃易其字為灤易其音為盧丸切而溷之音義亡矣溷訓熱水水經注武列水入溷水武列即熱之反語其地多温泉溷之所以得名也

濡水南入海陽

即漁陽白檀之洧水也今日灤河原出獨石口外東南

山中土名上都河兩原雙引合而西北流至御馬敞折

東北流至元故上都開平城折東流至多倫鄂模折東

南流逕

熱河行宮之南上板城東下板城西屈曲逕喜峰口西

入邊城逕遷安縣西又南逕永平府城西灤州東樂亭

縣西又南分爲二一流東入海一流西入海松按段氏引趙云南

入海陽當作南至海陽入海王氏念孫曰陽字涉上文海陽而衍善長之駁經曰濡水東南至紮縣碣石山南入海而不逕海陽西也據此則溷水入海之處在紮縣不在海陽矣漢海陽故城在今灤州西南紮縣故城在今昌黎縣南

又有盧水南入元

水經注盧水出肥如縣東北沮溪南流曰大沮水又西

南小沮水注之二水合曰盧水亦曰沮河原出邊外西

南流入肥如水

莽曰肥而



古而如字通用

賓從

郡國志云賓徒

莽曰勉武

交黎

今奉天府西北地通典作扶黎云故城在柳城縣東南  
後漢書作夫黎注云故城在營州東南

渝水首受塞外南入海

水經注白狼水東北出分爲二水右水疑卽渝水也渝  
水東南入海蓋今奉天府大遼水以西之水非今撫甯  
縣之水矣其名稱流沿今無可攷

東部都尉治莽曰禽虜

陽樂

在今永平府城東後漢書注故城在平州東水經注大

沮水合陽樂水水出陽樂縣溪魏土地記海陽縣西南

有陽樂城

閻氏若璩曰秦遼  
西郡治陽樂縣

狐蘇

今錦州府地

唐就水至徒河入海

此水無所攷今錦州府城東有大凌河西有小凌河或  
得其一

徒河



今錦州府地通典故城在柳城東北

莽曰河福

文成

文穎曰此縣人善歌

莽曰言虜

臨渝

今奉天府西境地水經注渝水西南循山逕一故城世

以為河連城疑即臨渝縣之故城也今地志皆云在撫

甯縣北者是非

渝水首受白狼東出塞外

水經注白狼水東北出右水疑即渝水蓋即交黎縣之

水矣

又有候水北入渝

水經注渝水南流東屈與一水會世名之曰檻倫水疑

候水也十三州志曰候水南入渝志蓋言自北而南也

今亦無可攷

莽曰馮德

紮

今永平府昌黎縣

下官水南入海

今日館水在昌黎縣南二十五里下流入海水經注云

木究水以字形相亂



又有揭石水賓水皆南入官

入下官水也賓水今日飲馬河在昌黎縣南五里

莽曰選武

遼東郡秦置屬幽州戶五萬五千九百七十二口二十七萬二千五百三十九縣十八

襄平

今奉天府城唐書地理志安東都護府漢襄平縣也水

經大遼水入塞過襄平縣西

閻氏若璩曰秦漢遼東郡皆治襄平

有牧師官莽曰昌平

新昌

無慮

今錦州府廣甯縣應邵音慮為閭屈原賦有微閭即無閭也今醫無閭山在縣西北十里

西部都尉治

望平

今奉天府開原縣水經注大遼水自塞外東流直遼東之望平縣西屈而西南逕襄平縣西

大遼水出塞外南至安市入海

今日潢水亦曰巨流河原出古北口外克西克騰部山北流折東抵翁牛特部與白狼河會又東北抵扎魯特部又東折南抵科爾沁部又東南入邊逕開原縣西鐵嶺縣西奉天府城西遼陽州西海城縣西入于海



行千二百五十里莽曰長說房

今奉天府海城縣水經注大遼水逕遼隊縣西又逕房

縣西

候城

今奉天府北境地

中部都尉治

遼隊

今海城縣地相傳縣西牛莊是也水經注大遼水西南

逕襄平縣西又逕遼隊縣西

莽曰順睦

遼陽

今奉天府遼陽州水經注小遼水逕遼陽縣與大梁水

會

大梁水西南至遼陽入遼

今日太子河原出幹羅山西流逕遼陽州北入小遼水

史記刺客傳云太子丹逃匿衍水中即此也

莽曰遼陰

險瀆

居就

在今遼陽州西八十里

室偽山室偽水所出北至襄平入梁也



今日沙河原出遼陽州南千山西北流逕遼陽州南入

太子河

高顯

安市

在今奉天府蓋平縣東北七十里水經大遼水東過安

市縣西南入于海

武次

今奉天府東境地

東部都尉治莽曰桓次

平郭

今蓋平縣地

有鐵官鹽官

西安平

在今遼陽州東南鴨綠江入海之所也

何氏焯曰涿郡有安平故此加

西留川加東

莽曰北安平

交

郡國志作汶

莽曰文亭

番汗

沛水出塞外西南入海

沛汗字形近疑誤應邵注此云汗水出塞外西南入海



沓氏

應邵曰氏水也

松按應注氏水也謂縣以沓水得名地之以山氏者若緱氏乘氏以水氏者若

涅氏  
沓氏

元菟郡武帝元封三年開

劉歆議曰東伐朝鮮起元菟樂浪以斷匈奴之左臂三

國志漢分朝鮮為四郡以沃沮城為元菟郡

松按今志作四年錢

校改王  
校同

高句驪莽曰下句驪屬幽州戶四萬五千六口二十二萬

一千八百四十五縣三

高句驪

通典在遼東之東千里

閻氏若璩曰元菟郡治高句驪縣

遼山遼水所出西南至遼隊入大遼水

今曰渾河亦曰小遼水原出英額邊門西南流逕奉天

府城東南遼陽州西北下流入于海

又有南蘇水西北經塞外

上殷台

如淳音台為駘

莽曰下殷

依義當脫台字

西蓋馬

郡國志馬作烏今朝鮮國平壤城西有蓋馬大山

馬訾水西北入鹽難水西南至西安平入海



馬訾水今日鴨綠江鹽難水今日佟家江也鴨綠江原出長白山南流折而西逕帽爾山東地古爾城理山西北而與佟家江會佟家江亦出長白山西南流逕帽爾山西合鴨綠江兩江既會又西南逕山陽公城西南大伍小伍畢東三城西小巨流城西大水高城西大吉魯城西折西北逕敖登城北遼郭爾城北昌城北折西南逕宿州城北義州西入海在今遼陽州東五百六十里過郡二行二千一百里

過元菟遼東二郡西北不遼入于海  
 莽曰元菟亭亦曰小菟水出英陽縣門西南流逕奉天樂浪郡武帝元封三年開

武帝紀元封三年夏朝鮮斬其王右渠來以其地為樂浪臨屯元菟真番昭帝紀始元五年有詔罷真番郡通典昭帝罷臨屯真番以并樂浪元菟莽曰樂鮮屬幽州戶六萬八百一十二口四十萬六千七百四十八有雲鄣史記有上下鄣

縣二十五

朝鮮

卽王險城在鴨綠江東箕子之故國也括地志平壤城卽王險城古朝鮮也

講郡

閻氏若璩曰樂浪郡治朝鮮縣



孟康讀誨爲男

沮水

水西至增地入海

說文解字沮水出樂浪鏤方東入海一曰出沮水縣水  
經水出鏤方縣東南過臨沮縣東入于海注十三州志  
沮水縣在樂浪東北鏤方縣在郡東蓋出其縣南逕鏤  
方也沮水西流經誤證耳今日大同江有二原南原出  
文川城西北山西北流逕成川城東南谷山城南三登  
城南祥原城北北原出甯遠城東北山南流逕甯遠城  
東德川城西价川城東北折西南逕殷山城西南燕山  
城東折西逕江東城西北至祥原城北兩原既會西流

逕中和城東北折南逕平壤城東江西城東南龍岡城  
東南三和城東南又西南入海

莽曰樂鮮亭

含資

郡國志作貪資

帶水西至帶方入海

黏蟬

服虔音蟬爲提郡國志作占蟬城在平壤西南

遂成

增地莽曰增土

帶方



以水氏縣也隋書外國傳百濟立國于帶方故地

駟望

海冥莽曰海桓

列口

以水氏縣也

桂氏覆曰列口卽方言所稱洌水

長岑

屯有

昭明南部都尉治

鏤方

在今遼東之東今有紫蒙城是其地

提奚

潭彌

吞列分黎山列水所出西至黏蟬入海

山海經朝鮮在列陽東海張晏曰朝鮮有濕水列水汕

水三合爲列水揚雄方言曰朝鮮洌水洌卽列字

行八百二十里

東曉

許春讀曉爲醜應邵讀爲移案此卽今日斜字

松按武帝紀臣

瓚注引茂陵書臨屯郡治東曉縣去長安六千一百三十八里十五縣東曉後併入樂浪而雪縣不知併於何縣也

不而

魏志母邱儉傳作不耐通典同隋書外國傳新羅兼有



沃沮不而韓獫之地

東部都尉治

蠶台

華麗

後漢書東夷傳元初五年高句麗寇元菟攻華麗城

邪頭昧

說文解字有葳邪頭國卽其地蓋是濊貊國名服虔曰

濊貊在辰韓之北高句麗沃沮之南晉灼曰葳古濊字

孟康音昧爲妹

前莫

夫租

南海郡秦置

始皇三十三年也

秦敗尉佗王 此地武帝元鼎六年開

武帝紀定越地以爲南海蒼梧鬱林合浦交趾九真日

南珠崖儋耳郡昭帝紀始元五年罷儋耳元帝紀初元

三年罷珠崖是時珠崖山南縣反故罷之也

屬交州

書曰南交故以名州

戶萬九千六百一十三口九萬四千二百五十三有圍羞

官縣六

番禺



在今廣州府城西二十七里元和郡縣志趙佗故城在南海縣西二十七里如淳音潘愚山海經云賁禺賁讀如奔古字賁番相同淮南子云馮高誘注馮番禺讀愚  
 驚之愚是與如音同古字馮馮亦同姚文式問云何以爲番禺答曰城東南偏有水坑陵城倚其上此縣人目之爲番山倘謂番山之隅也  
閩氏若璩曰秦漢南海郡皆治番禺  
 尉佗都

裴淵廣州記城北有趙佗墓元和郡縣志墓在南海縣東北八里

有鹽官二十三平山

博羅

今惠州府博羅縣羅浮山記羅浮山高三千丈長八百里舊說浮山從會稽來博于羅山故稱博羅今山在博羅縣西北三十里

中宿

在今廣州府清遠縣東有峽在縣東三十里

有涯浦關

卽湟溪關在今韶州府英德縣西南四十里

龍川

在今惠州府河源縣東北一百七十里元和郡縣志故城在河源縣東北水路一百七十五里廣州記本博羅縣之東鄉也有龍穿地而出卽穴流泉因以爲號南越



志縣北有龍穴山舜時有五色龍乘雲出入此穴

四會

今肇慶府四會縣元和郡縣志秦舊縣也

揭陽

今潮州府城韋昭音揭其逝反

莽曰南海亭

鬱林郡故秦桂林郡屬尉佗武帝元鼎六年開更名有小  
溪川水七并行三千一百一十里莽曰鬱平屬交州戶萬  
二千四百一十五口七萬一千一百六十二縣十二

布山

今潯州府城太平寰宇記桂平縣也  
閩氏若璩曰鬱林郡治布山縣

安廣

阿林

在今潯州府容縣東太平寰宇記故城在廢繡州東北  
五十里水經注潭水逕中留縣東阿林縣西入鬱

廣鬱

今潯州府貴縣

鬱水首受夜郎豚水東至四會入海

水經溫水出夜郎縣東至廣鬱為鬱水注鬱水即豚水  
也今水于潯州府城東南曰潯江東北流逕平南縣西  
南藤縣西北梧州府城南封川縣西北曰錦江折東南  
逕西甯縣東北德慶州南東安縣北肇慶府城南又東



逕三水縣南廣州府城南入于海段氏王裁曰鬱水今嶺外之盤江由雲南

貴州廣西至廣東為西江入海者也

過郡四行四千三十里

夜郎豚水過牂柯郡鬱水過鬱林蒼梧南海三郡

中留

今柳州府象州郡國州郡二志並作中溜以水氏也水

經注留水南出布山下逕中留入鬱疑即象州水也原

出臥龍山西北流合竹踏龍殿天柱石人諸溪水逕州

城北入柳江段氏王裁曰中留以溜水得名古溜水今柳江也

桂林

今象州地

潭中

今柳州府融縣松按潭中亦柳江江周縣之三

莽曰中潭

臨塵

似今南甯府西地臣瓚曰茂陵書象郡治臨塵水經注

逕臨塵東入領方

朱涯水出領方又有斤員水又有侵離水行七百里

水經鬱水東至領方縣東與斤南水合注縣有朱涯水

出臨塵縣東北流驩水注之又有斤南水侵離水並經

臨塵東入領方縣流注鬱水水經注不詳諸水南北逕

縣者亦不審諦也似即今之麗江麗江北原出歸順州



北東南流逕州城東向武州西南龍英州西南折東逕  
安平州北太平州北折南而合南原南原出交趾廣原  
州東流逕龍州東南太平州東南而合北原亦曰北麗  
江南麗江也兩原既合又東南逕太平府城南折東北  
逕左州東忠州西曰左江折東逕新甯州北入鬱江  
莽曰監塵

定周

似今慶遠府西北地也

周水首受無歛東入潭

水經存水至定周爲周水注存水與毋歛水合卽剛水  
也又潭水逕潭中縣周水注之潭水又東南與剛水合

潭水今日融江周水今日龍江也龍江原出獨山州二  
原一原出州西南豐甯土司北山東北流一原出羊角  
寨西山東流合逕州城南爛土司北折東又西南逕荔  
波縣東南丹山東河池州東折東南逕思恩縣南折東  
逕慶遠府城東北至柳城縣西而與融江會下流曰柳  
江也

松按今志水上脫周  
字錢校補王校同

行七百九十里

增食

今思恩府賓州東北地元和郡縣志邕州朗甯縣漢增  
食縣地朗甯去宣化一百八十里賓州西南至邕州二  
百四十五里



驩水首受牂柯東界入朱涯水行五百七十里

驩水與斤員侵離朱涯今無能指證大約皆入左江諸

水耳

領方

今賓州元和郡縣志即賓州今縣是也

斤員水入鬱又有墻水

水經注作橋水云字當為温非橋水也亦無可指證

都尉治

雍雞

有關

蒼梧郡

淮南子有浯高誘注云蒼梧也浯梧字之別

武帝元鼎六年開莽曰新廣屬交州有離水關戶二萬四千三百七十九口十四萬六千一百六十縣十

廣信

今梧州府城後漢書注故城在蒼梧縣閩氏若璩曰蒼梧郡治廣信縣

莽曰廣信亭

似當作新廣亭

謝沐

在今平樂府賀縣西北今臨賀領一名謝領在縣北六十里水經注封水出馮乘縣西謝沐縣東又云平樂水出謝沐縣南西北逕謝沐縣西南



有關

卽臨賀領關

高要

今肇慶府城晉書地里志縣東去郡五百里

有鹽官

封陽

今肇慶府開建縣應邵曰在封水之陽水經注封水亦謂之臨水至臨賀縣左會賀水又西爲封溪水入于鬱今日賀江也賀水原出連山縣西西流逕賀縣東北封水入焉封水出桂領南流至賀縣東合賀水自下曰賀江屈曲逕開建縣東入于鬱

臨賀

今賀縣以二水氏也

莽曰大賀

端谿

今肇慶府德慶州

馮乘

在今賀縣北一百二十里水經注馮水出馮乘縣東北馮岡西北入營水縣以託名焉今日永明縣水原出富川縣東北流合營水

富川

今平樂府富川縣今日富江水原出靈亭鄉南流入賀



荔浦

今平樂府荔浦縣荔水原出修仁縣西北東流逕荔浦

縣南入離江

有荔平關

水經注關在離水上然則即離水關矣在今荔浦縣東

猛陵

今梧州府藤縣水經注縣在廣信西南

龍山合水所出南至布山入海

南至布山合鬱水入海疑即今蒙江也原出永安州北

天門山南流合牛皮大同等水至藤縣西北入鬱

莽曰猛陸

交趾郡武帝元鼎六年開屬交州戶九萬二千四百四十  
口七十四萬六千二百三十七縣十

松按二千宋  
本作一千

羸陞

水經注交趾五水其次一水西南逕西于縣南又東逕

羸陞縣北郡國志晉書地理志並作羸陞州郡志作羸

婁孟康曰羸音蓮陞音受土箋元和郡縣志故城在宋

平縣西七十五里太平寰宇記今交趾縣屬安南國交

州府

閩氏若璩曰交  
趾郡治羸陞縣

有羞官

安定



郡國志州郡志並作定安水經注中水東逕羸陟縣又逕安定縣

苟扁

水經注作句漏云一水東逕句漏縣帶江水今有苟扁

山在安南國交州府石室縣段氏玉裁曰廣韻四十五厚五十候皆言苟扁縣名

字皆從竹不從艸

麓泠

後漢書注今岑州新昌縣應邵音麓為彌孟康音螟蛉

說文解字作麓泠麓字之譌也

都尉治

曲易

易古陽字水經注北水逕曲易縣東流注于浪鬱

北帶

水經注交趾五水其次一水東逕羸陟縣北又逕北帶

縣南

稽徐

水經注交趾五水其次一水東逕北帶縣又逕稽徐縣

西于

水經注交趾五水其次一水逕西于縣南通典後漢書

注並云故城在交州龍編縣東今屬安南國清化府

龍編

水經注涇水出龍編縣東南流入稽徐縣通典太平寰



字記並云今交州縣按唐安南都護府治此縣元時爲大羅城路也

朱戴

水經注江水對朱戴縣又東逕無切縣北通典交州縣元和郡縣志朱戴江在龍編北卽楛榆水之一原也縣名以此晉書地理志作朱鳶

合浦郡武帝元鼎六年開莽曰桓合屬交州戶萬五千三百九十八口七萬八千九百八十縣五

徐聞

今雷州府徐聞縣大平寰宇記直海康縣南二百四十里

高涼

今高州府電白縣

合浦

今廉州府城

閻氏若璩曰水經注云漢武帝元鼎六年置合浦郡治合浦縣

有關莽曰桓亭

疑當作桓合亭

臨允

今肇慶府新興縣郡國志作臨元

牢水北至高要入鬱

似卽今新江也原出新興縣南東北流至肇慶府城南  
合鬱江 松按今志作入高要錢校改王校同王氏念孫曰水經溫水注曰牢水出交州合浦郡臨允縣



北流迺高要縣入于鬱水高要縣屬蒼梧即今肇慶府高要縣也臨允縣在今新興縣南

過郡三行五百三十里

應過合浦蒼梧二郡疑有誤然今新江亦無五百里蓋廣州府城以南為羣水所豬徑往變流大槩與古不合不能執今以符古者往往如是也

莽曰大允

朱盧

郡國志作朱崖今瓊州府是

都尉治

九真郡武帝元鼎六年開有小水五十二并行八千五百六十里

水經注云竺枝扶南記山溪瀨中謂之究錢氏大昕曰九真郡當屬

交州史失書

戶三萬五千七百四十三口十六萬六千一十三有界關縣七

胥浦莽曰驪成

閩氏若璩曰九真郡治胥浦縣

居風

後漢書注今愛州交州記居風縣有山出金牛往往見光耀十里山有風門常有風今金牛山在安南國北江府武甯縣

都龐



應邵音龐為龍元和郡縣志軍甯縣

餘發

成驩

元和郡縣志演州也今安南國演州

無切

郡國志作無功馬援傳同

都尉治

無編

通典愛州縣今屬安南國清化府

莽曰九真亭

日南郡故秦象郡武帝元鼎六年開更名有小水十六并

行三千一百八十里屬交州戶萬五千四百六十口六萬九千四百八十五縣五

朱吾

太平寰宇記景州縣交州記其氏依海際居不食米止

資魚

比景

太平寰宇記景州縣如淳曰日中于頭上景在已下故名之闕駟曰比讀陰庇之庇景在已下言為身所庇也林邑記區粟建八尺表日景度南八寸自此景以南在日之南故以名郡望北辰星落在天際日在北故開北戶以向日此其大較也

段氏玉裁曰闕駟讀比為蔭庇之庇吳仁傑引考古編舊唐志



景州北景縣晉破林邑五月五日即其地立表表在北日景在南故縣名北景

盧容

康泰扶南記從林邑至盧容浦口二百餘里

西捲

孟康音卷郡國州郡二志作卷林邑記城去林邑步道四百餘里交州外城記從日南郡南去到林邑國四百餘里準逕相符即西捲城矣林邑記其城治二水之間

三方際山南北瞰水東西澗浦流湊城下閩氏若璩曰水經注云漢

武帝元鼎六年開日南郡治西捲縣

水入海有竹可為杖莽曰日南亭

象林

今占城國也元史東濱海西際真臘南接扶南北連九

德按今安南國布政府路亦有其地閩氏若璩曰秦象郡治象林縣漢更

名日南郡便治西捲







